

[Augsburg], 14. Oktober 1569

An Johannes Crato von Krafftheim

UB Breslau, Ms. 9820 (Rehdigeriana 246), Nr. 341 (fol. 452r-v).

Clariss[imo] et ornatiss[imo] viro D. Io[anni] Cratoni à Crafttheim Caesareae Maiestatis consiliario et medico intimo. Domino et patrono suo colendo. Wien.¹

S. Doctoris philosophiae titulum, etsi me illius discipulum et ingenuè et libenter profiteor, Clarissime vir, D[omine] et p[atrone] colende, animo gratissimo accipio, non certè ambitione quadam, sed προνοίᾳ τῶν μελλόντων, ἵσως οὐκ ἀναγκαίᾳ, expetitum. Nam hic quidem si mihi firmam sedem Deus concederit, eo non opus erit. Sed tyrannide pontificia hinc exacto, commodior et honestior receptus erit in Academiam aliquam, non tantum eruditione, sed et eruditionis insignibus ornato. Qua de causa Excellentiae tuae et benevolentiae in me singulari, praeclaroqüe iudicio plurimum debeo, semperqüe debebo. Festinato quidem nihil est opus. Spero enim nos hic conuenturos esse. Mitto filiolo tuo specimen meum Demosthenicum, minus sanè speciosum quam vellem: sed tamen vtriusque linguae studiosis non inutile futurum, vt arbitror. Vale. Raptim, cum vix nonnihil leuatus essem ἰσχιάδος καὶ λιθιάσεως doloribus. Pridie idus Octobris. 1569.

E. T.^{ae}
Obseruantiss[imus]
Hiero[nymus] Wolfius, tuo
beneficio philoso-
phiae doctor.

¹Darunter von anderer Hand: An der Röm: Kay: Mt. hof/ zuuerschickhen/